

قرائستند اولوب پروسيا خدمت عسكريه سنده يوز باشي بولان
پرنس هوهن چورني برنجي شارل عنوانيله پرنس انتخاب ايتديلر
مومي اليه دخی خود بخود بونی قبول ايله بکر شه کلوب مسند
حکومه قعود ایلش ايسه ده کرک جانب دولت علیه دن و کرک دول
ضامنه طرفدن هنوز امارتی تصدیق اولما مشدر . (محمد شوقی)

(تاریخ حکمای یونان)

فیثاغورس * فیثاغورس *

فیثاغورس التمشنجی اولمپياده کسب اشتهار ایدوب التمش ابکنجی
اولمپياده ایتالیا به عزیمت ایلدی . التمشنجی اولمپيادک دردننجی سنه سنده
سکسان و علی قول طفسان یاشنده اولد بخی حالده وفات ایتدی .
برایسی یونانه و دیگرى ایتالیا به منسوب اولمق اوزه فلاسفه ایکی فرقه
مشهوره به منقسم اولوب سالف الترجه طالبس یونان فرقه سنک
و فیثاغورس دخی ایتالیا فرقه سنک رئیسیدرلر

بعض قوله کوره فیثاغورسک بواسطه اسم ايله تسبیح اولمسی آله یونان
بولون فیثوس عبادتخانه سنک کاهنلری ککی علی وجه
الصحه غاییدن خبر ویرمسنه منیدر . یونان حکما سنه اوللری
حکیم تعبیر اولنور ایکن الک اول هضم لنفسه محب حکمت معناسنه
اولان فیلسوف عنوانيله اکتفا ایدن مومی الیهدر . شهر اقواله کوره
فیثاغورس سبسام جزیره سنندن اولوب پدری اویمه جی منسارک
ایندی و بعض مؤلفرطوسفانه لواندوکنه ووندیک کورفری سواحلنده
واقع اولوب آله لک ضبط ایتش اولدقلری جزایر صغیره نک
برایسنده توالد ایلدیکنه ذاهب اولماشدرلر

فیثاغورس پدری کبی اویمه جیاق صنعتی بیلور ایدی . حتی کندو
البله اوج قطعه کوش طاس اعمال ایدوب مصر پاپاسارندن اوج
ذانه اهدا ایلدی . اولاً حکم‌آدان فره سیدک شاگردی اولوب
اکا کال خلوص وارتباطی وارییدی و فره سید دخی فیثاغورسی
زیاده سورایدی . حتی برکون فره سیدغایت اغر برخسته لغه دوچار
اولوب هلاک درجه سنه کلدیکندن فیثاغورس سؤال
خاطر یچون اوطه سنه کیرمک استدی . فره سید علتک
سرایندن خوف ایلدیکندن در عقب قبوی قیادی و بریارقدن
پارمق‌لرینی طیشار واوزاده رقی نه حالده اولدیغی اشته پارمق‌لر
شکافتندن فهم ايله دیدی .

فره سیدک وفاتندن صکره فیثاغورس سبسام جزیره سنده
(هرمود امانت) نام حکمیدن تلذ ایتدی واجانبیک عادات
واخلافت کسب اطلاع ایلکه زیاده مائل اولدیغندن وطنی
ومام‌لکنی ترک ايله عزیم سفر ایلدی و پاپاسلره نفق ایتک و دیانت
مصر به‌نک اسرار و خفایا سنه واقف اولق ایچون مدت مدیده
مصرده والدی .

سبسام حکمداری پولیقرات فیثاغورس حقیده حرمت اولغسی
صحنده مصرملکی اما سبسه نامه مخصوص کوندردی . فیثاغورس
بعده ماز تعبیر اولنان علمای دینلرینک علوم و معارفه کسب
وقوف ایلک ایچون کلداتیلر مالکنه غریب ایلدی . مجرد سیر و تماشا
مقصدیله مالک شرقیه‌نک دیگر بعض محلاتنده کشت و کذا رایتد کدن
صکره کرید جزیره سنه کیدوب اوراده حکم‌آدان سالف الترجه
ایچیندس ايله عقدرا بطه الف واورادن سبسه عودت ایتدی

بولیقراتک ظلم و تعدی پسندن ناشی وطنی بر حال پر ملائده
بولدیغی جهته زباده مکدر اوله رق ترک دیار ایدی و ایتالیا
عزمت و قروطن شهرنده میلون نام ذاتک خانه سنده اقامت ایدوب
علم حکمت تدریسنه باشادی. اشته موی الیهک وضع ایتدیکی
مذهب ایتالیا مذهبی تسمیه اولمشی بوندن نشأت ایتشدرد.

چوق کچه کمترین فیثاغورسک شهرتی ایتالیاک هر طرفه منتشر
اولادی. اوج یوزدن زباده طلبه درسنه ملازمت ایدوب بونار
منظم برکوچک جمهور تشکیل ایتدیلر. بعض مؤلفلر (نوما)
دخی طلبه مذکوره عدا دندن اولوب روما حکمدار لغته حین
انتخابنده قروطنونده فیثاغورسک نزدنده اقامت ایدرایدی دیمشردر
فقط اصح اقواله کوره روایت مذکوره مقارن صحت اولوب اشبو
قبول مجروح مجرد نوماک فیثاغورس افکارنده اولمشدن نشأت
ایتشدرد. یوخسه نوما فیثاغورسدن چوق زمان اول کلمشدر.

فیثاغورس احبایینده هرشی مشترک اولمیدر و دوستلق انسانلر
بینده مساوات حصوله کنوردیر ایدی. شاگردانی منفردا هیچ
برشبهه متصرف اولوب اموال و اشبارینی یکدیگره فارشدره رق
برکبسه دن خرج ایدرلر ایدی. ابتدا درسده شروع ایتدکلرنده
یش سنده شی شقه ایتدک درسه دوام ایدرزو بوعدت سکوتک
انقضاسندن صکره لقردی سویلکه و فیثاغورسک مجلسنه دخول
وانکله صحبت الیهکه مآذون اولورلر ایدی.

فیثاغورس غایت هیئتلو و اوزون بویلو و کوزل یوزلی ایدی و داعیا
بیاض صوفدن تمیز لباس تلبس ایدرایدی و حظوظات نفسانیه دن
هیچ برینه منهک اولوب نصیماتی حقیقه دخی زباده کتوم ایدی

فیثاغورسك هیچ بر وقتده ككولدیکي ولطیفه سسویلدیکي
 کورلماشدر. حال غیظ و غضبیده هیچ برکسیده سو دعامله ایغاش
 و هیچ براسیری ضرب ایلامشدر. اوصاف حیده راخلاق
 پسندیدهسته نظرا بعض شاکردانی الوهیتنه ذاهب اولمشیدی.
 هر طرفدن خلق فیثاغورسك درستی استماع و شاکردانی اراسته
 حالنی مشاهده ایتمك ایچون ازدحام اوزره کلورایدی. هرسته
 ممالك مختلفه دن اتی یوزدن متجاوز اشخاص فیثاغورسك
 زیارتنه کلوب کندوسیه برخطه مصاحبت ایتمك عظیم شرف
 و امتیازعد اولتورایدی.
 فیثاغورس برچوق ملترك نیازینه مبنی انلرایچون قوانین وضع ایلمدی
 و عوم ناس عندنده بدرجه معزز و محترم ایدیکه کندوسنك اقوالنه
 دلفس کاهنك اخباراتی درجه سنده اعتماد اولتورایدی. قسم
 ایتمك و آلهه یی استشهاده ایلمکدن خلقی زیاده تحذیر ایدوب
 انسان بر صورتده اهل عرض اولمایدر که خلق بی محابا قول
 مجردینه اعتماد ایلمایدردیرایدی
 فیثاغورس بو عالم ذروچ و ذیعقل اولوب اشبو هیکل جسميك
 روحی فلک ابر اولدیغنه و کرک انسان و کرک حیوان كافة
 ارواح جزئیه اندن ظهور ایلدیکنه ذاهب و ارواح بقاسته قائل
 ایدی فقط بوتلر جو هواده اوتهیه برویه طولاشه رق راست کلدگری
 اجساد حلول ایدوب مثلا بر جسد انساندن چیقمش بر روح
 ینه بر انسان جسد ینه حلول ایتدیکي مثلالو اسب و قورد و حمار
 و فاره و ککلك و بالی و دیگر هر درلو حیوانات اجساد ینه دخول ایدر.
 کذلک قبیخی نوعدن اولور ایسه اولسون بر حیوان جسدندن چیقان بر روح

بلا فرق انسان و یا خود حیران جسدیته حلول ایدر دیر ایدی .
 فیثاغورس بوسیله مبنی حیوانات اکلنی شدیداً منع ایدوب کافه
 حیواناتک روحی بر اولد بگندن سکک و آری و یا خود دیگر حشرات
 صغیره دن بر بنی اولدیر ملک عادتاً انسان قتل اتمک کبی کنهادر دیر ایدی
 فیثاغورس اش و مذهب تناسخی نیاید معرضنده کندوسی و قتیله
 ایتالیدس اسمنده بر آدم اولوب آلهه یونانیه دن عطار دک اوغلی ایدو کئی
 ادعا ایدر ایدی و اولوقت عطار دک کندوسنه حیات ابدیدن بشقه
 هرنه استر ایسک مساعده ایدرم دیوب کندوسی دخی کرک
 حال حیاتنده و کرک بعد الممات عالمده وقوعه کله جک حالاتک تخطربنی
 طلب ایش اولد بگنی و اولوقتدنبرو کافه وقوعاته مطاع ایدو کئی سوبار
 ایدی . بر زمان ایتالیدس اولد قدن صکره افورب (۱) اولوب
 اسکی استانول شهری محاصره مشهوره سنده بولندم واوراده
 میلاس نام ذات بنی فنا حالده جرح ایلمدی . اندن صکره روح
 هر موتینوسه (۱) انتقال ایتدی و عطار دک عنایتنه مظهر
 اولد یغمی خلقه ایناندر مقی ایچون بر انجیدلک مملکتته عزیمت و آپولونک
 عبادتخانه سته دخول ایله میلاس بنی جرح ایلمدیکنده بندن الوب
 محاصره دن حین عودتنده علامت ظفر اولوق اوزره عبادتخانه
 مذکوره وقف ایش اولد یغمی چوریمش قلقانمی کوستر دم دیر ایدی .
 فیثاغورس کویا هر موتینوسدن صکره بالقجی پیروس اولوب بعده
 فیلسوف فیثاغورس اولمشدر ودها اوللری میشل اسمنده بر ذات
 خروسی ویتلم کیمک طاوسی ایش

(۱) اسکی استانول اها بگندن مشهور بر جنکاوردر

(۲) فلاسفه یوناندن مشهور بر ذاتدر

فیثاغورس بر کره جهنم عزیمت ایتدم اوراده شعرادن هزیودسك
روحنی كوردم زنجیر ایله بر دیر كه باغلو اوله رق عذاب شدید دوجار
اولش ایدی و كذلك مشاهیر شعرای یونان دن او میروس دخی
بر اغاجه اصلش و آلهیه اولان اسنادات كاذبه سنه مجازاة وجودینه
ییلانلر صارلش ایدی وزجه لر یله حسن معاشرت ایتماش اولان
زوجلری دخی معذب كوردم دیر ایدی

فیثاغورس خانه سنده زیر زمینده بر حجره حفر ایتدیروب مدت
غیابنده اوله جق و قوعاتی علی ماهی علیه ضبط ایلمشی والده سنه
رجا ایلدی . حجره مذکورده بر سنه كامله اقامت ایتد كدن
صكره غایت كبرلو و نحیف و قورقیله جق صورته چركین
اوله رق طیشار و چققدی و خلقی جمع ایله جهنمدن عودت ایلدیكنی
و تأییدمد عامتمشده غیابنده واقع اولان حالاتی بالا طرف
بیان ایلدی و خلق شو حالدن زیاده متعجب و متأثر اولدیلر و یونی
كرامته حمل ایله كافه فریاد و فغانه باشلا دیلر . ار ككتر
زوجه لرینك تربیه و تعلیمه همت ایلمشی فیثاغورس دن رجا ایلدیلر
قروطن نسانه فیثاغورسیه تسمیه اولمشی بوندن نشأت ایتمشدر .
بركون بر مجمع ناسده بولندیغی حالده مقدم کیسه نك خبری اولیه رق
تعلیم و تألیف ایتمش اولدیغی برقره قوشی هواده اوچركن برصوت
مخصوص ایله نزدینه جلب ایدوب بو کیفیت حضارك زیاده موجب
استغرابی اولدی . اشبو قره قوشك ایاغنده التون بر بیجا ق باغلو
اولدیغی كوسترد كده خلق برقات دها تعجب اویلدی .

فیثاغورس آلهیه یه بالكر اتمك و چورك و امثالی شیر اهد ایدوب
آلهه سفك دما ایله اولتان قربانلردن فوق الغایه نفرت ایدرلو بویله

قربانلر تقدیم بيله عرض طاعت ایتمک داعیه سنده بولانلر شوهر کله بيله
غضب الهی بی استیجاب ایلرلر دیرایدی
فیثاغورسک سیاق حال و قالته نظر امرادی خلق اطعمه و اشربه بيله
انهم کدن منع ايله قناعته رغیب ایدی . چونکه نقایل طعامده وجود
دها زیاده صحت و عقل ده صفت اوزره اوله رق وظائفی اجرایه
مقتدر اولور و کندوسی مثال اولق اوزره مالدیدن بشقه برشی ایچمز
ویالکن اتمک و بال و میوه و سبزه ايله تغذی ایدرایدی و سبز و اتدن یالکن
باقله ییوب اشبوسبزه حقتده اولان حرمتک سبب صحیحی بیلنه مزایدی
فیثاغورس حیات انسانیه برپتایره مشابه اولوب بویه بریره کلانلرک
کییمیسی تجارت و کییمیسی پهلوانلیق ایتمک و کییمیسی ساده چه سیر و عشا
مقصد بيله کلور . مدت حیات دخی بویه در بعضاری شرف و شان
و بعضاری حرص و طمع اسیری اوله رق طوغرلر و بعضاری دخی
حقایق اشیایه کسب و قوف ایلکه سعی ایدرز دیرایدی
دنیاده انسانلر کندو حقا رنده خیرلر اولاتی بيله مدکاری جهته هیچ
برکسه کندو نفسی چون برشی طلبنده اولما ملیدرلر دیرایدی
عمر انسانی بی درت قسم مساوی یه تقسیم ایدوب دیرایدیکه انسان
یکرمی یاشنه قدر چوجق و قرق یاشنه قدر مر اهی و التمش
یاشنه قدر آدم و سکسان یاشنه قدر اختیار در . بوسنی تجاوز ایدنلری
زندگاندن عدایتز ایدی . و فن هندسه و هیئت پک سور ایدی
بریمی صبا حلین و دیگر ایشام کورینان ایکی یلدرک بر اولد بونی
فیثاغورس کشف ایدوب قائم الزاویه اولان هر بر مثلث و ترینک
مربعی دیگر ایکی ضلعک مر بونه مساری اولد بونی دخی کندوسی
اثبات ایلدی .

روایت اولدیغنه کوره فیثاغورس اشبو بقاعده بی بولدیغنه
 بدرجه ممنون اولمشدرکه بونک الهام ربانی ارلدیغنه ذاهب اولدق
 ایفای وجیبه شکر انیت ضمیمه یوزرأس صغر قربان ایلدی
 بوجمله حیوان قربان ایتک فیثاغورسک مذهبنه مغایر
 اولدیغندن بوقول شایان اعتماد اولوب انجق فیثاغورسبیلرک
 معتادی اولدیغی وجهله اشبو صغرلرک دقیق و بادن اعمال اولمش
 صغر اولسی محتملدر. حتی فیثاغورسک خصوص مذکوردن
 طولانی مرک شادی به اوغرا دیغی دخی مروری ایسه ده اصح
 اقواله کوره بونک اصلی یوقدر

فیثاغورس شاگردانک یکدیگر یله حسن الفت و امتزاج الملرینه
 زیاده اعتنا و وقت ایدوب المری تعلیمده اکثریا رمز طریقله تکلم ایدر
 ایدی. مثلاً هیچ بروقتده ترازو اوزرندن صحرا میکز دیوب بونکله
 طریق حقانیتدن انحراف جائز اولدیغنی اشراب ایدر ایدی.
 و بونکونکی ذخیره کرک اوزرینه اوتور میکز دیوب بوندن دخی
 مرادی یالکز زمان حال ایله اشتغال اولمجبوب استقبالی دخی دوشنک
 لازم اولدیغنی تفهیم ایدی.

و هر کونک نهایتده بر محله خلوت ایله کند و نفسارینه خطا با
 بوکونی نه صرف ایلدک و نروده ایدک و خیر و شر دن نه یابدک
 دیوانفاس گذشتهک حساسنی طلب الملرینی شاگردانه تنبیه ایدر
 ایدی.

و ظاهر حالکرده متواضع و وقور اولکز و حزن و یاخورد سرور تأثیر یله
 منفعل اریلکز و والدینکره محبت و اختیارله حرمت ایدیکز و پک
 ملحم اولمقدن اجترأحرکت و ریاضت بدنیله مداومت ایلکز و بتون

عمرگزى سفرزده بکوره بکزدیو نصیحت ایدرایدی
وآلهه حقه لازمه تعظیم و طاعتک ایفاسته خاصه اعتنا اولمشی
لازم در یدرایدی

فیثاءورسک تاتار جنسندن زامولکسیر استنده برک و له سی اولوب
افندیسنک تعلیم ایلدیکی اصولدن بر درجه استفاده ایتشدیکه
وطنه عودتده هر کس کند و سنده قربانلر تقدیم ایله آلهه سلکته ادخال
المشردر.

(منیف)

(خلاصه پولیتیکه)

بر طرفدن اوستریا و دیگر طرفدن پروسیا و ایتالیا دولتری بینده
تکون ایدن مسئله معلومه ک مصطلحانه حلی ممکن ازله مدیغندن
کچن ماه صفرا و ائلنده طرفین اعلان حرب ایلادی
محاربه حاضرده المانیا دول صغیره سی همان کافه اوستریا طرفدار
و متفق اولوب دولت مشار الیه سایه معاونت ایتک اوزره تدارکات
عسکریه به تشبث ایتمش اولملریله پروسیا دوانی جله دن اول حرکت
تجاوزیه به ابتدار ایله ها نوره و ساقسوینا و هس القورال ممالکته
عسکر سوق واد خال ایتمش و ممالک ثلثه مذکوره حکمداران
و عساکری مقاومت ایتدیرک بر طرفه چکلمش اولمسیله پروسیا
عسکری بلا مانع و مزاحم پایتختلرینی ضبط و تسخیر ایلدی